



Gwasanaeth Partneriaeth Rhieni Sir Benfro



Cynlluniau Datblygu Unigol - CDU

Beth yw CDU?

Mae Cynllun Datblygu Unigol yn 'gynllun statudol unigol' a fydd yn disodli'r gwahanol fathau o gynlluniau, gan gynnwys cynlluniau addysg unigol, datganiadau anghenion dysgu ychwanegol, a chynlluniau sgiliau dysgu.

Bydd gan blant a phobl ifanc sydd ag anghenion dysgu ychwanegol **ac** sydd angen darpariaeth dysgu ychwanegol gynllun datblygu unigol. Yn dilyn cyfnod gweithredu o dair blynedd, ni fydd y system flaenorol o'r Blynnyddoedd Cynnar / Gweithredu gan yr Ysgol, y Blynnyddoedd Cynnar / Gweithredu gan yr Ysgol a Mwy, a Datganiadau yn bodoli mwyach ac yn lle hynny bydd pob plentyn ac unigolyn ifanc sydd ag Anghenion Dysgu Ychwanegol fel y'u nodwyd yn y Cod Anghenion Dysgu Ychwanegol (Cymru)* gynllun datblygu unigol.

Bydd Cynllun Datblygu Unigol yn cynnig cysondeb a pharhad i bawb. Gwarchodir darpariaeth a hawliau ar gyfer pob dysgwr sydd â chynllun datblygu unigol, waeth beth yw math neu gymhlethdod eu hanghenion.

0 – 25 blynedd

Mae'r system newydd ar gyfer plant a phobl ifanc rhwng 0 a 25 oed sydd mewn addysg. Bydd hyn yn cynnwys plant mewn lleoliadau yn y Blynnyddoedd Cynnar fel cyn-ysgol a meithrinfa, ysgolion a cholegau (a elwir hefyd yn Sefydliadau Addysg Bellach). Bydd dull amlasiantaethol, i gynnwys gweithwyr proffesiynol o'r maes Addysg, iechyd a Gwasanaethau Cymdeithasol i gyd yn gweithio gyda'i gilydd i ddarparu cynllun unigol.

Adolygiadau a chyfarfodydd

Dylai cyfarfodydd ac adolygiadau fod â chanolbwynt cadarnhaol i archwilio dyfodol gwell a mwy cadarnhaol i'r plentyn neu'r unigolyn ifanc. Dylai'r cyfarfod gynhyrchu cynllun gweithredu clir.

Dylai'r dull cadarnhaol ar gyfer cyfarfodydd ac adolygiadau ganolbwyntio llai ar yr hyn sydd yn anghywir, a chanolbwyntio mwy ar yr hyn yr hoffem weld yn digwydd.

Efallai y bydd newid yn y math o gwestiynau y gofynnir ichi eu hystyried, a'r math o wybodaeth y gofynnir ichi ei rhannu.

**Gweler taflen Partneriaeth Rhieni 'Beth yw Anghenion Dysgu Ychwanegol'*



Pwy fydd yn cymryd rhan?

Y plentyn neu'r unigolyn ifanc, a phawb sy'n bwysig i'r plentyn neu'r unigolyn ifanc er mwyn cefnogi ei ddysgu a'i anghenion. **Bydd hyn yn cynnwys rhieni a gofalwyr.**

Sut fydd Cynllun Datblygu Unigol yn cael ei ddatblygu a beth fydd ei gynnwys?

Mae canllawiau clir ar yr hyn a ddylai gael ei gynnwys o fewn Cynllun Datblygu Unigol. Gosodir hyn gan Lywodraeth Cymru ac mae'n cynnwys y canlynol:

- Enw'r gweithiwr proffesiynol sy'n gyfrifol am y Cynllun Datblygu Unigol
- Gwybodaeth amdanaf (y plentyn neu'r unigolyn ifanc)
 - * Fy marn, dymuniadau a theimladau
 - * Gwybodaeth a ddefnyddiwyd i helpu i ysgrifennu fy nghynllun datblygu unigol
 - * Gwybodaeth am fy anghenion dysgu ychwanegol a'r hyn y maent yn ei olygu imi
 - * Fy narpariaeth dysgu ychwanegol
- Cynllunio'r cyfnod pontio
- Rhesymau dros y penderfyniadau a wnaed
- Llinell amser i ddyddiadau pwysig.

Ysgrifennir y Cynllun Datblygu Unigol fel dogfen sy'n addas i blentyn neu unigolyn ifanc, gan ddefnyddio iaith syml a lluniau o'r plentyn neu'r unigolyn ifanc, delweddau a'r hyn sy'n bwysig iddo a'r hyn sy'n bwysig ar ei gyfer.

Pryd fydd yn cael ei adolygu?

Dylid adolygu Cynlluniau Datblygu Unigol yn rheolaidd ac mae'n rhaid eu hadolygu bob blwyddyn

I grynhoi, mae'n rhaid i awdurdodau lleol, ysgolion, lleoliadau a sefydliadau addysg bellach wneud y canlynol:

- ✓ Ystyried barn, dymuniadau a theimladau'r rhiant, yn ogystal â rhai y plentyn
- ✓ Meddu ar agwedd gadarnhaol tuag at gynnwys rhieni i sicrhau bod rhieni'n cymryd rhan lawn mewn penderfyniadau am addysg eu plentyn a gallant gyfrannu at y broses o wneud penderfyniadau a chanlyniadau i'w plentyn.
- ✓ Darparu gwybodaeth a chynghor i alluogi i'r rhiant gymryd rhan gymaint â phosibl, i gefnogi a grymuso rhieni
- ✓ Gwerthfawrogi y gallai'r cyfnod sy'n arwain at benderfyniad ynghylch a oes gan blentyn anghenion dysgu ychwanegol, a phenderfyniadau eraill ar anghenion dysgu ychwanegol plentyn fod yn gyfnod pryderus i'r rhieni a'r teulu

Partneriaeth Rhieni Sir Benfro

pps@pembrokeshire.gov.uk

01437 776354

www.pembsinclusionservice.wales